

QVÆSTIO MEDICA

QVODLIBETARIIS DISPV TATIONIBVS

MANE DISCV TIENDA

IN SCHOLIS MEDICORVM DIE IOVIS XXIV. IANVARII.

M. CLAVDIO PERRAVLT.

DOCTORE MEDICO, MODERATORE.

An bene fluida reddere corpora, Purgare est?

I.

IM P V R A corporibus ægris illuuiens non incautâ, non oscitante Naturâ; sed ineluctabili necessitate succrescit: insita vnicuique particulæ nempe vis inest, quâ in humorum nutritionis gratiâ subeuntium mores, falli nesciâ cognitione inquirens, nocentes aditu prohibeat: est & impetus vniuerso corpori nullâ quiete interruptus, quo deprehensos eliminat. Id operis cor in exhausto sanguine pulsans arterias, perenni vrget agitatione: hoc cerebri se ipsum quoque jugiter cientis, hoc thoracis pulmones pariter & viscera omnia quatientis motus, intestinorum peristaltica compressio, musculorum contractio, & singularum particularum naturalis contentio, eâdem laboris assiduitate moliantur: iis adeo variis ictibus, humores jam sordidâ notati repulsâ, & inuisi, per publicas venarum & arteriarum vias errantes, huc illuc tamdiu aguntur, donec infra per renum, superius per choanâ demeacula quoquouersum per cutis spiracula, agiles & non refractarij commodum secedant; tardi aut crassiores in jecoris, lienis, pancreatis, vteri, & glandularum angustias compulsi, intercipientur, aut in pulmonis, pericardij vesiculæ foueas incidunt, vt iis in custodiis detenti, morâ pepasum patiantur, quò nempe dum nonnulli respicientes, harum partium nutritioni, alii sue vfi bus inferuiunt, alij nequam & nullius frugi, aliorum quâ data porta pellantur ignominiose, nequiores ad vilia damnentur euerrendorum intestinorum ministeria. Sed plerumque hac maximâ prouidâ corporum curatricis industria, major humorum contumacia vim secreticem perinde eludit, ac superat expultricem, quas sui muneris admonere, & ad opus impellere, nihil facit ad purgationem.

II.

VT I L I B V S superflui importune permixti humores, aut pertinaciter partibus inhærescentes, gemina sunt, quæ secretici & expultrici potentia, ab vna cruditate obijciuntur offendicula: hujus vitij, quod prauis superfluentis, & præpostere, aut intempestiue ingesti alimenti externis er-

roribus imputare decet, raro infimulanda ea vis est, quæ intus alit, & corpoream agitat molem, nisi quia laborat, vel strenuo cuique opifici, gravissimâ difficultate modum tenendi inter contrarias necessitates: Nam quid agat? Si quæ retineri decet ac prodest mora corrumpit, & corruptos longâ cum purioribus consuetudine, ac fere necessitudine permiscet humores: si qui par est coquendis durioribus cibis calor, coctû faciles adurit: qui valet nutrimenta in solidarum partium naturam cogere, eorum reliquias condensat, & exiles meatus occludat necesse est, dum fibras patentiorum vasorum opportunè constringit. Sanè tum cor necquidquam ictus ingeminet; pulmones properando anhelent, membra riptasmo quatiantur. Scilicet tot nixibus impulsorum vehementius humorum, pravi quique & mobiles fossas transiliunt, angustias peruadunt, necessariæ ad pepasum omnis moræ impatientes; viles cæterorum turbâ impediti rapiuntur vt nutriendas partes vix adire queant, ambo tumultosâ agitatione, magis ac magis inuicem permiscuntur, præcipiti motu incandescunt, crassi & tardiores calore excocti tenacius adhærent, omnes in cassum vrgentur, sollicitantur. Adeo inani hac trepidatione tenuem tantum ichorem infausto omine videas exprimi in intestina, alimenti corrupti effectam aluum manare illuuiæ, renibus aqueam sanguinis portionem pondere inutiliter excidere, vt jure tunc male fluida, ac nihilo puriora corpora dici mereantur.

III.

VBI rapidus resedit ille impetus, quo primum res quæque nititur in obices, si medicis præsidiiis coercitus, aut in validam naturam sæuendo consumptus, cæcus ille ardor vires admodum non exhaustit, meliore consilio vsa optima parens, quos vi deturbare non valet, placide & leniter adoritur. Nempe calor isistius vstulatorij tyrannide liberata legitimum vitæ gubernatorem & seruatorem spiritum, verum actionum omnium artificem, operi admovent, qui apprime gnarus, materiam nutritionis duram, diffluentem, inspidam natiuis viscerum lebetibus liquando, terminando, condiendo, coquere; non multum difficiliore negotio hærentes importune sordes, perito ab iisdem partibus insito veluti quodam lixiuio diluit, incidit, soluit; absurde promiscuos humores seu coagulo segregat, & inquinatas eorum partes à purioribus, non secus ac in multi defæcatione ac despumatione per fermentationem discriminat, vt sic domitos nec reluctantes eliminandos tradat expultrici potentix, nunquam non expedita & in procinctu semper excubanti, quæ non tam exernendorum jam dudum stimulante prauitate incitata, quàm eorum statim atque adest facilitate inuitata, criticam euacuationem aggreditur. Quippe ad eam Naturâ præsentis cruditatis molestiâ nunquam se accingente, semper vero coctionis occasione & opportuna commoditate pepasmi, qui nihil aliud est quam apta & conueniens ad excretionem in prauis humoribus mutatio facta à calore natiuo morbi causas triumphante.

CONATIBVS naturæ adjuuandis & perficiendis ars plerumque necessaria est, sed vana omnis quæ aut inutilem ei operam præstat, aut temere ab eâ susceptos labores promouet, aut matura etiam ejus consilia non conuenientibus auxiliis prolequitur. Adeo parum idoneus minister accedet qui de noxiis expellendis satis vt semper sollicitam monere, acrius istud negotium & maximo vt contingit virium dispendio satagentem adigere, stimulis exanimare & κινέειν ἐρεθισμοῖσι contendet solâ cunctantem humorum contumaciâ quos mollire sufficit, & pro summo illius, sed tum haud satis efficacj voto mobiles reddere ac pristinæ fluiditati restituendo φαρμακαίησι νεωτεροποιέειν. Quin melius ei porro consulat qui validam sinens in humores non repugnantes, suo vti, sicut solet, imperio; in rebelles impotentius irascentem placare studebit, & motu concitatore male fluentes orgasmis ad purgationem parum opportuno, ipsos humores maturè coercerebit, tum vero morantes & vestutate pigros innouare tentantem adjuuabit, probatis longo vsu medicamentis. In quorum syluâ accomodatissimum bene seliget, si χαλαρτικὸν omne cum veteribus παρακτὸν, ἀπεπτικόν, cum improprie loquentibus ἐλακτικὸν ita agnoscet, vt in eo vim purgandi sejunctam intelligat ab indomitâ & pertubatoriâ; atque adeo hanc nihil ab exercendorum prauitate diuersum efficere; illam haud quidquam præstare præter remedij facultatem per corpus illibatam: præsertim vero nullâ potiori ratione trahere existimauerit quàm cætera quæcunque partium agilitate meabili subeundo firmâ exilitate diffecando, molliori tenuitate diluendo, per loci decliuitatem ductuum amplificationem, imbecillitatem, suscipiendos, admittendos excrementitios humores fluore, pondere, leuitate efficiunt expellenti naturæ minus reluctantes, & illos vt pus, saniem, hærentia spicula, aut venena eo tantum nomine & μεταφορᾷ trahere perhibentur. Aliàs enim φάρμακον aut quasi deleterium & colliquans ἀλλοτριώτατα τε ἔχοντα συμπεφυκότα, ὕγιενά τε ἀρτέχοντα τῷ νοσήματι male audit, aut veluti instrumentum ejus artificis, qui vsum illius vtrumque sed artificium nullatenus calleat; atque vt hōc non decet vti Philosophum; ita neque illo Medicus vnquam purgare tentauerit.

V.

LIQUIDA per vacuati successione attrahi manifestum est: sed purgationi parum idonea talis attractio, quia promiscua. Aliam in medicamentorum singulari proprietate per magneticas tenebras quærere, An præstat? Certe non videtur satis in Euphorbio temperies, aut sapor in colocynthide, aut color in sinaragdo, aut in fimo fœditas, ad alliciendum corruptos, æruginosos, amaros, aut feruidos humores, ipsâ familiaritatis gratiâ valere. Nec potior censeretur debet formæ substantialis autoritas ad conquirendos illos pertrahendosque imperioso delectu, nequidem etiam animæ auspiciis per viuientis partis precariam potestatem vegetabilem. Hanc nempe vim quæ immutabilis, & propriæ tantum vtilitatis causâ sem-

per agere nata est, posse tamen à medicamento ita deprauari, vt aliena cupiditate feratur in res noxias, Quis sibi fingat? Aperte docet Experientia admotis exterius catharticis, amuletis introrsum fluere humores, sudorifica intus excepta extimam purgationem, Emetica plerumque infernam, enemata supernam moliri: Id vero tractione contingere Ratio nulla demonstrare potest. Catharticum purgandas omnes partes corporis saltem suâ portione tenuiori peruadere certum est, sed tum permixtum humoribus incertum quo trahere debeat illos, jure pendere animi dicas, & nouo duce qui trahat, opus habere: Nam. cur potius adeat intestina? An τὸ πρὸς βέλπον ἐξ νομίζον; Sane cum purgamenta sponte Natura foras eliminat, nusquam vitur attractione. Hanc igitur nec illius imitatrix Medicina in mente habere debet: cui Elateria proprie nulla, nedum Epispastica vere medicamenta suppetunt. Interni enim opificis est, bilem, pituitam, aut melancholiam agere. Externa catharticatorum instrumenta minus apte dixeris Cholagoga, Phlegmagoga aut Menelagoga, quorum vnum munus est pepasmi debilem inchoatam tardam actionem præuenire, adiuuare, perficere, hos vel illos humores dissoluendo, cogendo, meatus aperiendo, atque adeo ad exeundum varie præparando, prout insitum est vnicuique medicamento, varie propria partium vincula in crassis abrumpere, in confusis colligare, in angustis laxare, euentu comprobante aquam, acetum, oleum, sales variosque succos, vi quibusque singulari, varia varie soluere & permixtas diuersi generis partes ad similes congregare, tum alios humores Rheo, alios Agarico, alios Sennâ dilui, cogi, segregari, vnde verus in legitimâ purgatione delectus: cum nempe cæteris hærentibus, vnum illum vis interna propellit, quem externâ ope mobilem inuenerit. Omnino Purgare, quod est qualitate peccantium humorum è corpore exitum medicamento promouere, commune Naturæ cum Medico officium est. Sed quemadmodum Illam meabiles cum partes tum humores pro suo munere præcipuo vrgerè sufficit: sic τὰ σώματα χρὴ ὅκως αὖ Τίς βούληται χεθαίρειν ἔγχορα ποιεῖν.

Ergo bene fluida reddere corpora, Purgare est.

DOMINI DOCTORES DISPUTAVR!

M. Antonius de Sarzes, Schol. Prof. M. Ioan. Ant. Bourgault. M. Philip. Haré, de S. Jacques, Schol. Conser.
M. Daniel Arbinet. M. Germanus Hureau. M. Helias Beda des Fongerais.
M. Carolus Bayalis. M. Ioannes de Bourges. M. Claudius Quiquibens.

Proponebat Lutetiæ ANTONIVS LE MOINE
Parisiinus, A. R. S. H. M. DC. LXIV.